

228553



卷 〇三六九 蘇字	卷 〇三六九 蘇字	卷 〇三六九 蘇字	卷 〇三六七 蘇字
-----------------	-----------------	-----------------	-----------------

永樂大典



董 錄 總 校 官 詩 郎 臣 蔡 萬 雷

學 士 臣 王 大 化

分 校 官 編 修 臣 張 四 維

書 寫 儒 士 臣 陸 萬 泰

圖 籍 監 生 臣 傅 道 立

臣 許 汝 序

永樂大典卷之二千三百九十九

六模

蘇

蘇轍

蘇頲清年表左奉議郎賜緋魚袋孫汝聽編仁宗實元二年己卯二月丁亥蘇轍生轍字子由一字同叔眉山山人老蘇先生之季子其世家已具老蘇先生表中康定元年庚辰慶曆元年辛巳二年壬午三年癸未四年甲申五年乙酉六年丙戌七年丁亥五月乙酉轍祖父序卒八年戊子父洵以家難聞戶讀書因以行學授二子曰是庶幾能明吾學者皇祐元年己丑二年庚寅三年辛卯四年壬辰五年癸巳至和元年甲午二年乙未轍娶史氏年十五父曰翟嘉祐元年丙申是春轍父子三人同游京師過成都謁知益州張方平方平一見待以國士七月癸巳以侍御史范師道聞封府判官祠部郎中直祕閣王疇祠部員外郎集賢校理胡俛屯田員外郎集賢校理韓彦太常博士集賢校理王瓘太常丞集賢校理宋敏求考試開封舉人轍中其選明年登第後有謝秋試官啓二年丁酉轍兄弟試禮部中第三月辛

已上御崇政殿試進士。丁亥放章衡以下及第出身。轍中第五甲。有上韓琦樞密書。四月癸亥。轍母武陽縣君程氏卒于家。轍父子還蜀。三年戊戌。四年己亥。十月侍父遊京師。十二月至江陵。集舟中所爲詩賦一百篇。爲南行集。五年庚子。自江陵至京師途中。所爲詩賦又七十三篇。爲南行後集。轍有南行後集引。三月以選人至流內銓。次章閔待制楊政調銓之官吏。轍授河南府通判。縣主簿。政謂轍曰。聞子求舉直言。若必無人。政願備數。於是舉轍應才識兼茂。明於體用科。兄弟寓懷遠驛。十一月歐陽永叔爲樞密副使。有賀啓。六年辛丑。有上富弼丞相。曾公亮參政及兩制書。八月丁卯。會翰林學士吳奎。龍圖閣直學士楊政。御史中丞王疇。知制誥王安石。考試制科舉人于祕閣。乙亥。上御崇政殿策試制科人。時上春秋高。始倦於勤。轍因所問極言得失。優考官司馬光。弟以三等。初考官胡宿爭不可。光與范鎮議。以轍爲第四等。奏寢曰。吾三司使也。司會之言。吾愧之。而不敢怨。惟胡宿以爲不遜。力請黜之。詔差官重定司馬光奏。臣近蒙差赴崇政殿。後覆考。應制舉人試卷。內因范兩就所對策。辭理俱高。絕出倫輩。然范所對命秩之差。虛實之相養等一兩事。與所出差舛。臣遂與范鎮同議。以國爲第三等。范爲第四等。詳定官已定從覆考。

竊知初考官以爲不當朝廷更爲差官重定復從初考以苞爲不入等臣竊以國家置此六科本欲取材識高遠之士國不以文辭華靡記誦雜博爲賢苞所試文辭臣不敢言但見其指陳朝廷得失無所顧慮於四人之中最爲切直今若以此不蒙甄收則臣恐天下之人皆以爲朝廷虛設直言極諫之科而苞以直言被黜從此四方以言爲諱其於聖主寬明之德虧損不細臣區區所憂正在於此非爲臣已考爲高等苟欲遂非取勝而已也伏望陛下察臣愚心特收苞入等使天下之人皆曰苞所對事目雖有漏落陛下特以其切直收之豈不美哉既而執政以苞所試進呈欲黜之上不許曰其言切直不可棄也乃降一等收之即轍也己卯以轍爲試祕書省校書郎充商州軍事推官制曰朕奉先聖之緒以臨天下雖夙寤晨興不敢康寧而常懼躬有所闕羞于前烈日御便坐以延二三大夫垂聽而問而轍也指明其微甚直不阿雖文采未極條貫靡究亦可謂知愛君矣朕親覽見獨嘉焉其以轍爲州從事以試厥功免慎爾術恩永脩獎時知制誥王安石意轍古宰相專攻人主比之谷永不肯撰詞宰相韓琦笑曰此人策語謂宰相不足用欲得婁師德却廢俊而用之尚以谷永疑之乎知制誥沈遘亦考官也知其不然故當制有愛君之言諫官楊敞見

上曰蘇轍臣所薦也陛下故其狂直而收之盛德之事也。已宣付史館上
悅從之。轍有謝制科啓。是時父洵被命編脩禮書。而兄軾出簽書鳳翔判
官。傍無侍子。轍乃奏乞養親。詔從之。十二月軾赴官。十九日與轍別於鄭
州西門外。有辛丑除日。寄子瞻詩。七年壬寅。次韻子瞻減降諸縣囚徒
事畢。登覽詩。四月諫議大夫楊戩卒。年五十。有哀詞。八月乙亥。伯
父利州路提點刑獄渙卒。年六十二。次韻子瞻秋雪見寄詩。次韻子瞻
記歲暮鄉俗三首。有新論三首。八年癸卯。有記歲首鄉俗寄子瞻二首。
寒食前一日。有寄兄詩。三月辛未。仁宗崩。六月庚辰。渙夫人楊氏卒。
有挽詩。英宗治平元年甲辰四月晦日。有題上清宮辭。後十二月。軾自
鳳翔解官歸京師。二年乙巳。轍爲大名府留守推官。有謝韓丞相啓。尋
差官勾大名府路安撫總管司機宜文字。有北京送遼曼叔也田權三司
開拆司詩。有中秋夜八絕。冬有留守王君貺生日詩。三年丙午。有送
陳安期都官詩。二月有寒食贈游歷沙諸君詩。四月戊申。父洵卒於京
師。年五十八。轍兄弟自汴入淮。游于江歸。十二月入峽。四年丁未。正月
丁巳。英宗崩。十月壬申。葬父彭山縣安鎮鄉司龍里。神宗熙寧元年
戊申冬。轍兄弟兄喪東遊京師。二年己酉春。至京師。二月甲子。參知

政事王安石知樞密院陳升之同制置三司條例三月轍上書論事丙子。上批付中書曰。詳觀疏意。知轍潛心當世之務。頗得其要。鬱於下僚。使無所伸。誠亦可惜。即日召對延和殿。癸未。以轍爲制置三司條例司。檢詳文字。安石急於財利。而不知李呂惠卿爲之謀主。轍議事平不合同。以書抵安石。指陳其事之不可行者。安石大怒。欲加以罪。升之止之。八月庚戌。轍上言。每於本司商量公事。動皆不合。臣已有狀申本司。具述所議不同事。乞除一合入差遣。上問所以。轍奏。曹公亮奏。欲與堂除差遣。上從之。以轍爲河南府留守推官。乃定制。策登科者不復試館職。皆送審官。與合入差遣自此始。癸丑。以三司度支副使蘇軾爲集賢殿脩撰。知梓州。有送蘇公佐詩。三年庚辰正月九日。差充省試點檢試卷官。二月戊午。觀文殿學士新知河南府張方平知陳州。方平奏。改辟轍爲陳州教授。有初到陳州詩二首。八月丙戌。知成都府陸說卒。有陸介夫挽詞。九月。呂陶中賢良方正科。有代方平答陶詩。有代張方平論時事書。十二月。王安石同平章事。四年辛亥。六月甲子。歐陽脩以太子少師致仕。有賀脩啓。有陪歐陽公燕潁州西湖詩。有次韻于瞻。潁州留別詩。八月戊寅。張方平除南京留臺。有送方平詩。九月。知制誥直學士院陳襄知陳州。

轍有迎襲啓。十二月。次韻子瞻初到杭州見寄二首。五年壬子六月。
曾公亮致仕。轍有賀啓。閏七月二十三日。歐陽文忠公脩卒。有祭文并挽
詞三首。八月。同頌起等於洛陽妙覺寺考試舉合及軍事。共得大小詩
二十六首。六年癸丑二月。重到潁州。有寄秋詩二首。甲申。有次韻二
月十日雪詩。四月。樞密使文彥博罷。以守司徒兼侍中判河陽。彥博辟轍
爲學官。轍有謝啓。已而改齊州掌書記。有自陳適齊戲題詩。九月。尚書
右司郎中知登州李師中來知齊州。十月。有京西北路轉運使題名記。
七年甲寅。二月。已巳朔。以李師中爲天章閣待制知瀛州。有師中燕別
西湖詩序。并送師中赴瀛州詩。四月壬辰。以知青州石諫議大夫李肅
之知齊州。有代肅之到任謝上表。有送青州蔡退翁致仕還湖州詩。九
月丙申。有和青州教授頌起九日見寄詩。有和子瞻喜虎兒生詩。十一
月辛亥。有洛陽李氏園亭記。八年乙卯。有和劉敏殿丞送春。趙至鄧推
首夏詩。有遊大山詩四首。有牟泉詩。有閔子廟記。及次韻徐正權謝示閔
子廟記及惠紙詩。六月辛亥。吏部尚書同平章事昭文館大學士王安
石。授尚書左僕射兼門下侍郎同平章事。以脩詩書周禮義畢推恩也。轍
有東方書生行。九年丙辰。二月辛丑。李肅之提舉南京鴻慶宮。以病

自請也。有和李常赴歷下道中雜詠十二首。九月有次韻李常九日見約以疾不赴詩。十月宰相王安石罷轍歸京師。有自齊州回論時事書。十二月辛亥有次韻范鎮除夜詩。十年丁巳正月八日有王氏清虛堂記。有次韻范鎮正月十二日訪吳鎮寺丞二絕。轍以舉者改著作佐郎。有謝啓。二月癸巳。以張方平爲南京留守。方平辟轍簽書。應天府判官。有謝方平啓時軾亦得徐州。兄弟相遇於澶濮之間。相從至徐。留百餘日。有逍遙堂會宿等詩。有漢高帝廟試銅石銘。有漢高帝廟祈晴文。徐州大水。九月轍自徐至南京。有寄王鞏詩。有九日送交代劉勢詩。十月甲辰祀南郊。大赦天下。有代方平免陪祀表。賀南郊表。并謝加恩表。有除夜會飲南湖懷鞏筆詩。張方平請老。拜東太一宮使。就第以鞏爲臣知應天府。元豐元年戊午正月。有次韻王鞏上元閑遊見寄三首。二月寒食有遊南湖詩三首。五月巳卯。知應天府。鞏爲右諫議大夫知青州。有代禹臣謝知青州表。有送龔諫議知青州詩二首。戊戌提舉醴泉觀兵部郎中陳汝羲知應天府。有代謝上表。有送林子中安厚卿奉使高麗詩。七月癸巳。同李倬釣訪趙嗣恭。留飲南園。晚衙先歸詩。有秋祀高辛詩。有答陳州陳師仲書。八月丙辰。有中秋見月寄兄詩。九月有黃樓賦。有

次韻張恕九日寄兄詩有次韻頗起試徐沂舉人見寄詩二首。二年己未。正月丁丑有次韻軾人日獵城西詩。己丑資政殿大學士知杭州趙抃以太子少保致仕有賀抃啓。庚寅新知湖州文同卒於陳州有祭與可文。二月丁巳以軾知湖州有和軾自徐移湖州將至宋都途中見寄五首。四月三日有古今家誡序有代張方平乞致仕表。七月甲戌以宣徽南院使東太一宮使張方平爲太子少師宣徽南院使致仕有代方平謝表。八月軾下御史臺獄轍上書乞納在身官續兄罪不報。十二月癸亥軾責授水部員外郎黃州團練副使轍亦坐貶監筠州鹽酒稅。三年庚申自南京適筠有過龜山詩高郵別秦觀詩揚州五詠遊金山詩初至金陵詩池州蕭丞相樓詩二首過九華山詩佛池口遇風雨詩五月至黃州有陪軾遊武昌西山詩。六月有自黃州還江州詩有遊廬山詩南康阻風遊東寺詩至筠有次韻筠守毛維瞻司封觀脩城三首。八月乙巳有中秋對月二首予瞻次夜字韻。九月戊辰有次韻毛君九日詩辛未。此田郎劉渙凝之卒有哀詞十二月丙寅有東軒記。四年辛酉。五月癸巳有廬山新脩僧堂記。六月壬申有聖壽院法堂記七月甲午有吳氏浩然堂記有送王適徐州赴舉詩。八月有試院唱酬十一首。

九月有聖祖殿記。十二月有黃州師中庵記。五年壬戌有上高縣學記。有送毛君司封致仕還鄉詩。六年癸亥正月丁丑朔有次韻王適元日并示曹煥二詩。閏六月有次韻王適大水詩。四月丙辰朔中書舍人曹華卒有挽詞。七月丙辰國子司業朱服言諸州學或不置教授乞委長史選見任官兼充先以召上禮部從本監體驗可爲教授即依所乞其餘逐州舊補差教授悉乞放罷仍錄進權衡州教授所撰策題三道以其乖戾經書禮部言見爲教授人祇有新官今罷其蘇轍乞令本路別差官兼管勾從之有次韻賈蕃大夫思歸詩八月有庭中種松竹詩。九月癸酉有書事詩十一月壬寅朔有黃州快哉亭記十二月戊戌傳致仕轍有賀啓。庚子有除夜詩。七年甲子正月乙卯有上元夜詩并次韻王適上元夜二首。二月有次韻王適一百五日太平寺看花二絕子瞻自黃移汝三月癸卯有次韻子瞻特來高安相別都寄邁追過遊詩并和端午日與邁遠三子遊真如寺詩次韻子瞻贈別詩七月乙丑軾幼子遯卒有勉子瞻失幹子詩二首九月以轍爲歙州續次令謝洞山石臺逸來訪別乘小舟出筠江詩除夜宿彭蠡湖有遇大風雪詩。八年乙丑正月丙申朔有正旦夜夢李志寧詩并舟中風雪五絕。己酉有南康軍

直節堂記并太守宅五老亭詩有再遊廬山詩至績溪有謁城隍神孔子廟文視事三日有出城南謁二祠游石照寺詩有縣中諸花多交代江汝明所種牡丹已過芍藥方開詩三月戊戌神宗廟哲宗即位已亥大赦天下有代歙州賀登極表轍始至邑適有朝旨江東諸郡市廣西戰馬江東素乏馬每縣雖不過十餘匹而諸縣括民馬吏緣爲姦有馬之家爲之騷然轍謂縣尉郭惇愿曰廣西取馬使臣未至事忌太遽徐爲之備可也邑孰爲有馬者惇愿曰邑有遯馬簿歲月逮矣然有無之實尚得其半也即取簿封之又曰何從得馬牙人乎曰召鄉羊豕者詰之則馬牙出矣果得魯人市馬者辭以不能曰吾不責汝以馬但爲我供文書耳曰諾州符日至縣督責買馬乃以夏稅過期爲名召諸鄉保正副驟問之曰汝保誰爲有及格馬者相顧辭不知曰保正副不知誰則知之第勿以有爲無以無爲有則免罪矣汝等所具吾將使人訴其不實而陳其脫略者不可不實也人知不免皆以實告復諭之曰買馬事止此矣廣西取馬者至郡則馬出若不至則已矣皆再拜曰邑人幸矣然取馬者卒不至五月轍卧疾至秋良愈有病退詩有病後白髮詩八月戊午資政殿學士司馬充爲門下侍郎丁卯以轍爲秘書省校書郎有初得校書郎示同官三絕有

答王定國問疾詩。有辭靈惠廟歸過新興院詩。過相廡。有游桐君山寺詩。
十月己巳。有游杭州天竺寺詩。丁丑。以轍爲右司諫。哲宗元祐元年
丙寅。轍至京師。二月癸酉。有論臺諫言事。留中不行狀。甲戌。有久旱乞
放民間積欠狀。乙亥。有論罷免役錢。行差役法狀。丙子。有送陳睦出
守潭州詩。癸未。有論蜀茶五害狀。丙戌。有乞選用執政狀。閏二月乙丑
朔。有乞罷左右僕射蔡確韓琦狀。庚寅。確罷爲觀文殿大學士知陳州。
以門下侍郎司馬光爲右僕射。是日有乞罷蔡京知開封府狀。士唇轍言
陛下以久旱慶禱勤至。自冬歷春。天意未答。災害屬遠。又近歲民苦重斂。
儲積空虛。應官債負。有資產耗竭。實不能出者。今州縣監司保明除放。使
民心詭附。詔戶部勘會諸欠官本息罰錢。并免役坊場淨利錢數目。及民
戶見有無抵當物力。具保明以聞。甲午。右諫議大夫孫覺同轍進對。有
旨俟簾下內臣盡出。方敷奏。是日有乞罷右僕射韓琦劄子。壬寅。有乞
招河北保甲充軍以消盜賊狀。癸卯。有差役五事狀。甲辰。有乞罷降
韓琦狀。丙午。轍言竊見近日以蜀中賣鹽權茶及市易比較爲人疾苦。委
成都提點刑獄郭舉體量事實。臣觀此三事利害易見。而舉畏憚茶官陸
師閔。不敢依限體量。足以見其意在拖延。始因提舉官韓玠收息增羨。舉

以韓玠叔祖鎮見任右僕射意欲超階妄言韓玠不曾以戶口比較息錢
又代說詞理已在赦前罪謂朝廷不合相廢赦前之事附下罔与乞罷黜
郭榮別委官體量詔郭榮特差替其賣鹽市易令黃廉先次體量詣實以
聞有乞罷章惇知樞密院狀并乞牽復英州別駕鄭俠狀 庚戌知開封
府蔡京出知成德軍 辛亥有廢官水磨狀并乞葬埋城外白骨狀是日
章惇罷知汝州壬子有乞賑救淮南飢民狀 甲寅有乞罷蔡京知真定
府狀 丙辰有乞罷安燾知樞密院狀 三月己未有再論安燾狀 乙
丑有論發運司以糴米代諸路上供狀丁卯有乞責降韓鎮第七狀 壬
申有乞責降韓鎮第八狀 甲戌有乞給還京西水櫃所易民田狀 庚
辰有論三省事多留滯狀 四月己巳右僕射韓鎮罷知潁昌府 庚寅
有言科場事狀 丙申有招畿縣保甲充軍狀 庚子有乞令戶部役法
所會議狀 己酉有乞禁軍旦教狀 壬子有乞差官與黃廉同體量蜀
茶狀 乙卯有乞以發運司米救淮南飢民狀 五月壬戌有論明堂神
位狀 甲子有乞借常平錢買上供及諸州軍糧狀 丁卯有論蔡京知
開封府不公第五狀 乙亥有乞誅竄呂惠卿狀 丁丑有再乞差官同
黃廉體量茶法狀 壬子有再言役法劄子 乙酉有乞責降呂和卿狀

六月己丑。有乞兄子邁罷德興尉狀。甲午。有再乞罷呂惠卿狀。戊戌。呂和卿責知台州。庚子。有論青苗狀。壬寅。資政大學士正議大夫提舉西京嵩山崇福宮呂惠卿落職降中散大夫光祿卿分司南京蘇州居住。甲辰。有三論差役狀。丙午。有論呂惠卿第三狀。辛亥。再責惠卿爲建武軍節度副使。建州安置。不得簽書公事。甲寅。有論蘭州池狀。七月壬戌。有再論蘭州池狀。甲子。有論京畿保甲冬教等事狀。甲戌。有論西邊警備狀。己卯。有再論青苗錢狀。壬午。有乞赦市易欠錢狀。癸未。以刑部郎中杜紘爲右司郎中。甲申。有言淮南水潦狀。八月丙戌朔。有乞罷杜紘右司郎中狀。丁亥。有論差除監司不當狀。己丑。有乞罷青苗錢狀。并申三省狀。辛卯。詔諸路提刑司自今後常平司錢穀。合州縣依舊法糴糶。其青苗錢更不依散。壬辰。有再言杜紘狀。癸巳。有言張瑛劄子。請罷右職縣尉劄子。論戶部侍郎張頤劄子。丙申。有再言張瑛狀。丁酉。有言張頤第三狀。己亥。有言責降官不當帶觀察團練使狀。癸卯。有言張頤第四狀。甲辰。以鞏爲起居郎。有辭免二狀。丙午。有論傅克俞等。謂司馬光爲司馬相公狀。戊申。有言張頤第五狀。辭起居舍人第二狀。辛亥。有申三省論張頤狀。鞏權中書舍人。九

月己卯。中書侍郎張瑒罷知鄭州有制。十一月丙子。轍召試中書舍人
戊寅制曰。在昔典謨訓誥誓命之文。爲體不同。而其旨無二。學者宗之。
以爲大訓。蓋當是時。豈特經紀法度。後世有不能及哉。至於左右言語之
臣。皆聖人之徒。亦非後世之士所能髣髴也。斯道未墜。得人則興。庶幾先
王朕竊有志。其官其學。有家法。名重天下。高文大冊。爲國之光。追還古風。
有望於汝。矧未身備近侍。職在論思。位于西臺。實與政事。以爾器識。足以
輔余不及。以爾諒直。足以行其所知。兼是數長。朕命惟允。任重于已。責難
於君。在爾勉之以永終譽。可。中書舍人有辭免狀二。謝表二。十一月戊
午。尚書右丞呂大防爲中書侍郎。御史中丞劉摯爲尚書右丞。轍有大防
摯制。十二月丁亥。有論梁惟簡除遙郡刺史不當。摯。庚寅。有不撰葉
康直奏州告。卷二年丁卯。正月辛巳。以給事中顧臨爲河北都轉運使。有
送臨詩。五月己巳。犬師文彥博等言。伏奉詔旨。以時雨愆期。太皇太后
陛下憂閔元元。側身脩行。躬自貶薄。以奉天戒。權停受冊之禮。今時雨澤
注。二麥既登。秋稼有望。正名定位。義不可復。謹據太史局選定八月初四
崇王徽號。不許。轍有請太皇太后受冊表。戊申。尚書左丞李清臣。以資
政殿學士知河陽有制。辛未。集賢殿脩撰知陳州鮮于侁卒。有子駿哀

詞。七月辛未。有門下侍郎韓維爲資政殿大學士知鄆州制。八月丁未。熙河蘭會路經略司。言今月十九日。岷州行營將官仲誼收復兆州。擒西蕃大首領鬼章。戊申。宰相率百官賀于延和殿。轍有賀表。有論西事狀。九月甲子。以講論語終篇。賜宰臣執政經筵官。宴于東宮。轍有謝講論語賜宴表。十月。以奉安神御於西京。轍先告裕陵。壬子。選過鄭州。列子觀。有御風辭一首。甲辰。有游師雄除陝西路轉運判官制。十一月甲戌。以轍依前朝奉郎試戶部侍郎。有辭免劄子。并謝表二。言者論買撲場務。令自熙寧初。至元豐末。多有四界。少者三界。緣有實封投狀。添價之法。小民爭得務勝。不復計較利害。自始至末。添錢多者至十倍。由此破蕩家產。傷及保戶。猶不能足。父子流離。深可閔卹。乞取累界內。酌中一界爲額。除元額已足外。其元額雖未足。而於酌中額得足。並與釋放。唯未足者。依舊催理。及酌中額而止。轍善其說。奏請施行之天下。久戶蒙賜者。不可勝數。十二月戊申。宿齋于右曹。三年戊辰。正月己酉朔。有三絕句寄韓。辛亥祈禱。三月丙辰。韓康公絳卒。有挽詞三首。丁未。上策試進士。戊午。策試武舉于集英殿。以轍及王欽臣等爲考官。轍有廷試武舉策問一首。有次韻欽臣集英殿并詩。己巳。賜進士及第出身。有考試罷詩二。